

«Հայաստանի հանրային հեռուստաընկերություն» փակ բաժնետիրական ընկերությունը (այսուհետ՝ Պատվիրատու), ի դեմս գործադիր տնօրեն Հովհաննես Մովսիսյանի, ով գործում է ընկերության կանոնադրության հիման վրա, մի կողմից, և

«Մելլուու Թրավել» սահմանափակ պատասխանատվությամբ ընկերությունը (այսուհետ՝ Կատարող), ի դեմս տնօրեն Լուսինե Մելքոնյանի, ով գործում է ընկերության կանոնադրության հիման վրա, մյուս կողմից,

(այսուհետ յուրաքանչյուրն առանձին՝ Կողմ, միասին՝ Կողմեր), ստորագրեցին սույն պայմանագիրը (այսուհետ՝ Պայմանագիր) հետևյալի մասին.

1. ՊԱՅՄԱՆԱԳՐԻ ԱՌԱՐԿԱՆ ԵՎ ԸՆԴՀԱՆՈՒՐ ՊԱՅՄԱՆՆԵՐԸ

- 1.1. Սույն Պայմանագրով Կատարողը պարտավորվում է Պայմանագրով սահմանված կարգով և Կողմերի կողմից համաձայնեցված ձևաչափով և եղանակով մատուցել.
 - i. «Մանկական Եվրատեսիլ 2022» երգի միջազգային 20-րդ հորեյանական մրցույթի (այսուհետ նաև՝ Մրցույթ) շրջանակներում 2022 թվականի դեկտեմբերի 06-ին և 07-ին մասնակից պատվիրակությունների համար նախատեսված Երևանի մետրոպոլիտենի թվով 5 կայարաններում կազմակերպվող ժամանցային/մշակութային ծրագրի (այսուհետ՝ Միջոցառում) կազմակերպման ծառայությունները, (այսուհետ՝ Ծառայություններ), իսկ Պատվիրատուն պարտավորվում է ընդունել մատուցված Ծառայությունները և վճարել դրանց դիմաց՝ սույն Պայմանագրով սահմանված կարգով, չափով և ժամկետում:
- 1.2. Կողմերն արձանագրում են, որ Միջոցառման բնութագիրը, այդ թվում նաև Միջոցառման նախնական դիզայնը/էսքիզը սահմանվում են սույն Պայմանագրի Հավելված 1-ով:
- 1.3. Միջոցառման նկատմամբ բոլոր բացառիկ գույքային իրավունքները ՀՀ օրենսդրությամբ նախատեսված առավելագույն ծավալով, առանց տարածքային սահմանափակման և համապատասխան իրավունքների գործողության ամբողջ ժամանակահատվածում, պատկանելու են Պատվիրատուին: Սույն կետով նախատեսված իրավունքները ծագում են Կողմերի միջև համապատասխան հանձնման-ընդունման ակտերի ստորագրման պահից:
- 1.4. Կատարողը երաշխավորում է, որ Միջոցառումը կկազմակերպվի առանց անօրինական ներգործության կամ այլ մտավոր գործունեության արդյունքների անօրինական օգտագործման, դրանց ստեղծման ժամանակ չեն օգտագործվի մտավոր գործունեության այնպիսի արդյունքներ, որոնք ստեղծվել կամ ստեղծվում են այլ պատվիրատուների համար, բացառությամբ այն դեպքերի, երբ այդպիսի օգտագործումն օրենքով սահմանված կարգով համաձայնեցված է իրավատերերի հետ և չի խախտում երրորդ անձանց իրավունքները:
- 1.5. Միջոցառման շրջանակներում Կատարողի կողմից օգտագործվող հեղինակային իրավունքի և հարակից իրավունքների օբյեկտների օգտագործման իրավաչափության համար պատասխանատվությունը կրում է Կատարողը:
- 1.6. Կողմերն արձանագրում են, որ Պատվիրատուն պարտավորվում է աջակցել Կատարողին և ապահովել երրորդ անձանցից (մասնավորապես՝ ՀՀ Վարչապետի աշխատակազմից, Երևանի քաղաքապետարանից, Կարեն Դեմիրճյանի անվան Երևանի Մետրոպոլիտեն-ից և այլն) բոլոր անհրաժեշտ համաձայնությունների, թույլտվությունների ձեռքբերումը և (կամ) նրանց հետ պայմանագրերի ստորագրումը և այլ անհրաժեշտ գործողությունների իրականացումը, որը պահանջվում է կիրառելի օրենսդրությամբ Միջոցառման պատշաճ կազմակերպման համար:
- 1.7. Կողմերն արձանագրում են, որ սույն Պայմանագրով սահմանված իրավունքները երրորդ անձանցից (իրավատերերից) Կատարողը ձեռք է բերելու այնպիսի ծավալով և ժամկետներով, որ Պատվիրատուն ոչ միայն կարողանա հասնել սույն Պայմանագրի ստորագրմամբ հետապնդած նպատակին, այլ նաև կարողանա Միջոցառումը (այդ թվում նաև դրա տեսանկարահանված նյութը) հետագայում տարածել համացանցում (Պատվիրատուի պաշտոնական կայքէջեր, Պատվիրատուի՝ սոցիալական ցանցում առկա պաշտոնական էջերում (ներառյալ, բայց չսահմանափակվելով, Facebook, Instagram, Twitter, Youtube և այլն) և այլ հարթակներում) առանց որևէ լրացուցիչ (իրավունքների ձեռքբերմանն ուղղված) գործողություններ կատարելու:
- 1.8. Կողմերն արձանագրում են, որ բոլոր այն դեպքերում, երբ Պատվիրատուն չի կարողանում իրացնել սույն Պայմանագրով սահմանված իր իրավունքը Միջոցառման շրջանակներում անհրաժեշտ նկատմամբ

իրավունքները ձեռք բերած չլինելու կամ ոչ պատշաճ կարգով կամ ոչ ամբողջական լինելու հետևանքով, Կատարողը պարտավորվում է իր հաշվին ձեռք բերել նշված իրավունքները և Պատվիրատուին փոխանցել սույն Պայմանագրով նշված ծավալով իրավունքները: Սույն կետով նշված գործողությունը Կատարողը պարտավորվում է կատարել Կողմերի՝ սույն Պայմանագրի կատարման համար նշանակված կոնտակտային անձանց միջև համաձայնեցված ողջամիտ ժամկետներում:

- 1.9. Կատարողը պարտավոր է ապահովել, որպեսզի Միջոցառումը կազմակերպվի ՀՀ օրենսդրությամբ գործող՝ դրա նկատմամբ կիրառելի պահանջներին համապատասխան:
- 1.10. Կողմերն արձանագրում են, որ Միջոցառումը կազմակերպվում է բացառապես Պատվիրատուի պատվերով, և Կատարողն իրավունք չունի Միջոցառման շրջանակներում հիշատակել այլ ընկերությունների, գերատեսչությունների կամ այլ մարմինների, հղումներ կատարել որևէ այլ ապրանքային կամ սպասարկման նշանի, որոնք Կատարողի կողմից կներկայացվեն որպես Միջոցառման հովանավոր, գործընկեր կամ այլ կերպ Միջոցառման կազմակերպմանը աջակցություն ցուցաբերած անձինք, բացառությամբ այն դեպքերի, եթե այլ բան չի նախատեսվում Կողմերի լրացուցիչ գրավոր համաձայնությամբ: Սույն կետի խախտման դեպքում Պատվիրատուն իրավունք ունի պահանջել Կատարողից անհատույց վերացնել խախտումները, իսկ նշված պահանջը 3 (երեք) օրացուցային օրվա ընթացքում չկատարելու դեպքում՝ չընդունել Ծառայությունները և պահանջել Կատարողից վնասների ամբողջական հատուցում:
- 1.11. Կողմերն արձանագրում են, որ Պատվիրատուի պատվերի հիման վրա Միջոցառման վերաբերյալ՝ Միջոցառումը նկարագրող ֆիլմի պատրաստման պարագայում վերջինիս նկատմամբ բոլոր բացառիկ զույթային իրավունքները ՀՀ օրենսդրությամբ նախատեսված առավելագույն ծավալով, առանց տարածքային սահմանափակման և համապատասխան իրավունքների գործողության ամբողջ ժամանակահատվածում, պատկանելու են բացառապես Պատվիրատուին, և, որ Կատարողը իրավունք կունենա օգտագործել (տեղադրել/հրապարակել ֆիլմը սոցիալական ցանցում առկա պաշտոնական կայքէջերում, կիսվել Պատվիրատուի կողմից արված հրապարակումներով, կատարել հիշատակումներ և/կամ օգտագործել ցանկացած այլ եղանակով) նշված ֆիլմը բացառապես Պատվիրատուի գրավոր համաձայնության առկայության պարագայում: Կողմերն արձանագրում են, որ ցանկացած պարագայում Կատարողը իրավասու չէ հրապարակել սույն կետով նշված ֆիլմը իր Youtube-յան պաշտոնական կայքէջում:
- 1.12. Սույն Պայմանագրով սահմանված Ծառայությունների մատուցման ժամկետը սահմանվում է սույն Պայմանագրի Հավելված 1-ով: Սույն Պայմանագրով մատուցվելիք Ծառայությունների շրջանակներում ընդգրկվող առանձին գործողությունների կատարման ձևաչափը, եղանակները, ժամկետները Կողմերի կողմից համաձայնեցվում են Կողմերի՝ սույն Պայմանագրի կատարման համար պատասխանատու ներկայացուցիչների միջև տեղեկությունների փոխանակման միջոցով:
- 1.13. Հաշվի առնելով այն հանգամանքը, որ «Մանկական Եվրատեսիլ 2022» երգի միջազգային մրցույթի անցկացման կապակցությամբ կարող են սահմանվել լրացուցիչ պարտավորություններ մրցույթի անցկացման հետ կապված՝ Կատարողը պարտավորվում է առանց լրացուցիչ համաձայնություն տրամադրելու այդ բոլոր պարտավորությունները ստանձնել այն նույն ծավալով, որ ծավալով կսահմանվեն Պատվիրատուի համար, պայմանով, որ դրանք լինեն ողջամիտ, չառաջացնեն լրացուցիչ ֆինանսական ծախսեր Կատարողի համար և վերաբերեն սույն Պայմանագրով Կատարողի ստանձնած պարտավորություններին: Լրացուցիչ պարտավորությունների մասին Պատվիրատուն պարտավորվում է Կատարողին ծանուցել անհապաղ, որոնք ուժի մեջ են մտնում Կատարողի համար դրանց մասին ծանուցվելու պահից, եթե այլ բան չի բխում տվյալ ծանուցումներից:
- 1.14. Կողմերը երաշխավորում և հավաստում են, որ իրավասու են ստորագրելու սույն Պայմանագիրը և ունեն սույն Պայմանագիրը կատարելու համար բոլոր անհրաժեշտ իրավունքները, թույլտվությունները, համաձայնությունները և միջոցները:

2. ՄԻՋՈՑԱՌՄԱՆ ՀԱՆՁՆՄԱՆ-ԸՆԴՈՒՆՄԱՆ ԿԱՐԳԸ

- 2.1. Ծառայությունների հանձնում-ընդունումն արձանագրվում է Կատարողի կողմից ներկայացվող հանձնման-ընդունման ակտի հիման վրա: Հանձնման-ընդունման ակտի հետ միասին Կատարողը Պատվիրատուին է ներկայացնում նաև իր կողմից հաստատված հաշիվ-վավերագիրը/հարկային հաշիվը: Ընդ որում, Կողմերն արձանագրում են, որ Միջոցառման դիմաց վճարման համար հաշիվ-վավերագիրը/հարկային հաշիվը Կատարողի կողմից դուրս է գրվում և Կատարողի հաստատումով ներկայացվում է Պատվիրատուին միայն վերջինիս կողմից Պայմանագրի 2.2. կետով սահմանված հաշվետվությունները Պայմանագրով սահմանված կարգով հաստատելուց հետո:

- 2.2. Միջոցառման հանձնումն արձանագրող հանձնման-ընդունման ակտի հետ միաժամանակ Կատարողը պարտավոր է Պատվիրատուին ներկայացնել սույն Պայմանագրի Հավելված 2-ով նախատեսված նախահաշվում կամ ծախսային ուղղությունները փոփոխելու մասին Կողմերի միջև գրավոր ստորագրված համաձայնությամբ նշված ծախսերի փաստացի կատարումը հիմնավորող պատշաճ փաստաթղթեր: Սույն կետով սահմանված կարգով փաստաթղթերի ներկայացման հետ միաժամանակ Կատարողը Պատվիրատուին է տրամադրում սույն Պայմանագրի Հավելված 3-ում նշված ձևով լրացված հաշվետվությունը: Ընդ որում սույն կետով սահմանված կարգով ներկայացված փաստաթղթերը պետք է համապատասխանեն Հարկային օրենսգրքի 55-րդ հոդվածի պահանջներին, իսկ սույն Պայմանագրի Հավելված 2-ում կամ ծախսային ուղղությունները փոփոխելու մասին Կողմերի միջև գրավոր ստորագրված համաձայնությամբ նշված այն ծախսերի փաստացի կատարումը, որոնք ձեռք են բերվել ֆիզիկական անձանցից ծառայությունների մատուցման կամ աշխատանքային պայմանագրի շրջանակներում, հիմնավորելու համար Կատարողը ի թիվս համապատասխան պայմանագրի և հանձնման-ընդունման ակտի պարտավորվում է ներկայացնել նաև հաշվետու ժամանակահատվածում եկամտային հարկի հաշվարկները: Ընդ որում, սույն կետով նախատեսված հանձնման-ընդունման ակտը Պատվիրատուն պարտավորվում է հաստատել Պայմանագրի 2.2. կետով սահմանված փաստաթղթերը հաստատելուց հետո՝ 10 (տասը) աշխատանքային օրվա ընթացքում: Այն դեպքում, եթե Պատվիրատուն չի հաստատում հանձնման-ընդունման ակտը սույն Պայմանագրով սահմանված ժամկետում և Կատարողին չի ներկայացնում դրա հիմնավորումը, ապա Պատվիրատուն կրում է պարտավորություն սույն կետով նախատեսված ժամկետին հաջորդող առաջին իսկ աշխատանքային օրը հաստատելու Կատարողի կողմից ներկայացված հանձնման-ընդունման ակտը և հաշիվ-վավերագիրը/հարկային հաշիվը ու Պայմանագրի 4.3. կետով սահմանված ժամկետում վճարելու դրանով նախատեսված գումարը:
- 2.3. Սույն Պայմանագրի 2.2 կետով նախատեսված փաստաթղթերը, հաշվետվությունը չներկայացնելու կամ թերի (ոչ պատշաճ, ոչ հիմնավոր) ներկայացնելու դեպքում Պատվիրատուն չի վճարում հանձնման-ընդունման ակտով նախատեսված գումարը, այն մասով որով չի ներկայացվել կամ թերի է ներկայացվել համապատասխան ծախսի կատարումը. Պատվիրատուի կողմից համապատասխան ծախսը կհամարվի չհիմնավորված: Այն դեպքում, երբ սույն կետում նշված ոչ հիմնավոր ծախսը գումարային արտահայտությամբ մեծ է Կատարողին վճարման ենթակա գումարից, ապա այդպիսի ծախսերն ամբողջությամբ կհամարվեն չհիմնավորված և Կատարողը պարտավոր կլինի Պատվիրատուին վերադարձնել ստացված գումարների այն մասը, որը գերազանցում է չվճարված մասին՝ համապատասխան պահանջը ներկայացնելու օրվանից 15 (տասնհինգ) օրվա ընթացքում: Փաստաթղթերի՝ սույն կետով սահմանված պատշաճությունը և հիմնավորվածությունը որոշում/գնահատում է Պատվիրատուն:
- 2.4. Եթե Կատարող ընկերությունը Պատվիրատուին՝ Միջոցառման կազմակերպման կապակցությամբ մատուցվող Ծառայությունների 50 (հիսուն) տոկոս և ավելի մասը չի իրականացնում անձամբ, ապա պարտավոր է դրա մասին մինչև Պայմանագրի կնքումը տեղեկացնել Պատվիրատուին: Սույն կետով սահմանված դեպքում Կատարողը պարտավորվում է ծախսերը հիմնավորող փաստաթղթերի հետ միասին ներկայացնել նաև ծառայությունների մատուցմանը ներգրավված երրորդ անձանց կողմից իրականացված ծախսերը հիմնավորող փաստաթղթերը:
- 2.5. Կողմերն արձանագրում են, որ այն պարագայում, երբ Կատարող ընկերությունը ՀՀ օրենսդրության համաձայն հանդիսանում է ԱԱՀ վճարող ընկերություն, Պայմանագրի Հավելված 3-ով սահմանված փաստացի ծախսերը հիմնավորող հաշվետվությունները Կատարողի կողմից Պատվիրատուին ներկայացնելիս վերջինիս կողմից հաշվի է առնվում այն, որ Պայմանագրի արժեքի շրջանակներում հաշվարկված ԱԱՀ-ն չի կարող ուղղվել, այդ թվում նաև հաշվանցվել՝ Կատարողի կողմից սույն Պայմանագրի շրջանակներից դուրս իրականացվող գործունեության նպատակով: ԱԱՀ-ի գծով լրացուցիչ հատկացումները որպես հարկային պարտավորություն ենթակա են վճարման Կատարողի կողմից որպես ԱԱՀ, հակառակ դեպքում, ենթակա են վերադարձման Պատվիրատուին:
- 2.6. Կողմերն արձանագրում են, որ բոլոր այն դեպքերում, երբ սույն Պայմանագրի 2.2 կետի հիման վրա Կատարողը որպես ծախսերի կատարումը հիմնավորող փաստաթուղթ ներկայացնում է հսկիչ դրամարկղային կտրոն կամ միակողմանի գնման ակտ, որոնցում չի ներառվում գնորդի ՀՎՀՀ-ն, գնման առարկան, քանակը, ԱՏԳԱԱ կոդը կամ գնումը (ապրանքների կամ ծառայությունների) նույնականացնող այլ տվյալներ, Կատարողը պարտավորվում է ներկայացնել իր կողմից հաստատված գնման մանրամասներին վերաբերող բացվածք, որի հավաստիության համար պատասխանատվություն է կրում ՀՀ օրենսդրությամբ սահմանված կարգով:
- 2.7. Սույն Պայմանագրի 2.2. կետերով սահմանված դեպքերում Կատարողը Պատվիրատուին է տրամադրում փաստաթղթերի լուսապատճենները Կողմերի՝ սույն Պայմանագրի կատարման համար պատասխանատու ներկայացուցիչների միջև համաձայնեցված կարգով: Ներկայացված փաստաթղթերի՝ Պատվիրատուի

կողմից հավաստիության՝ պատշաճության և հիմնավորվածության գնահատման ընթացքում Պատվիրատուն իրավունք ունի նաև պահանջել ներկայացնել փաստաթղթերի բնօրինակները, որոնք Պատվիրատուի կողմից դիտարկվելուց հետո վերադարձվում են Կատարողին: Կողմերն արձանագրում են, որ Պատվիրատուի կողմից Կատարողի ներկայացրած փաստաթղթերի պատշաճությունն ու հիմնավորվածությունը գնահատվում է դրանք ներկայացնելուց հետո՝ 10 (տասը) աշխատանքային օրվա ընթացքում:

- 2.8. Եթե Կատարողը Պատվիրատուի կողմից չհիմնավորված ծախսերի մասին տեղեկանալուց հետո 5 (հինգ) աշխատանքային օրվա ընթացքում ներկայացնում է համապատասխան ծախսերի կատարումը հիմնավորող փաստաթղթերը, ապա կախված ներկայացված փաստաթղթերով հիմնավոր համարված ծախսերի ծավալից Պատվիրատուն կա՛մ վճարում է Կատարողին վճարման ենթակա ամբողջ գումարը, կա՛մ ձեռնարկում է սույն Պայմանագրի 2.3. կետով սահմանված միջոցները: Կատարողը սույն կետով սահմանված իրավական հնարավորությունից կարող է օգտվել միայն մեկ անգամ:
- 2.9. Կողմերն արձանագրում են, որ սույն Պայմանագրի 2.3. կետով սահմանված հիմքով Պատվիրատուի կողմից Կատարողին վճարում չկատարելու դեպքը չի անդրադառնում սույն Պայմանագրով սահմանված Միջոցառումը ամբողջությամբ (սույն Պայմանագրի Հավելված 1-ով նշված բնութագրին համապատասխան) սույն Պայմանագրով սահմանված կարգով կազմակերպելու Կատարողի պարտավորության վրա:

3. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

3.1. Պատվիրատուն իրավունք ունի՝

- 3.1.1. Օգտագործել սույն Պայմանագրի շրջանակներում ստեղծված և/կամ ձեռք բերված օբյեկտները՝ այդ թվում նաև, մտավոր սեփականության արդյունքները, սեփական հայեցողությամբ, ինչպես նաև երրորդ անձանց արգելել կամ թույլատրել օգտագործել դրանք,
- 3.1.2. Կատարողից պահանջել սույն Պայմանագրով նախատեսված Ծառայությունները մատուցել ամբողջությամբ, պատշաճ որակով և սահմանված ժամկետներում,
- 3.1.3. Հետևել Ծառայությունների մատուցման ընթացքին և որակին՝ առանց միջամտելու Կատարողի գործունեությանը՝ պահանջելով տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.1.4. Սույն Պայմանագրով իր ակնկալած արդյունքին հասնելու նպատակով Կատարողին տալ Ծառայությունների մատուցմանը վերաբերելի ողջամիտ ցուցումներ,
- 3.1.5. Պահանջել Կատարողից աջակցել Պատվիրատուին Ծառայությունների մատուցման ընթացքը և որակը ստուգելիս, ինչպես նաև Ծառայություններն ընդունելիս,
- 3.1.6. Միակողմանիորեն լուծել սույն Պայմանագիրը և Կատարողից պահանջել հատուցել Պատվիրատուին պատճառված վնասները, եթե՝
 - I. Կատարողը խախտել է սույն Պայմանագրի Հավելված 1-ով սահմանված Միջոցառման բնութագիրը և ողջամիտ ժամկետում իր հաշվին չի շտկել նշված թերությունը կամ խախտման բնույթից ակնհայտ է, որ այն չի կարող շտկվել ողջամիտ ժամկետում,
 - II. Կատարողը սույն Պայմանագրով սահմանված ժամկետներում չի մատուցել Ծառայությունները,
 - III. Կատարողն այլ կերպ թույլ է տվել սույն Պայմանագրի էական խախտում:

3.2. Պատվիրատուն պարտավոր է՝

- 3.2.1. Ողջամտության սահմաններում Կատարողին ապահովել սույն Պայմանագրով սահմանված Ծառայությունների մատուցման համար անհրաժեշտ բոլոր պայմաններով, այդ թվում, բայց չսահմանափակվելով, նշանակել Պայմանագրի կատարման համար պատասխանատու կոնտակտային անձ, ով Կատարողի հետ կհամաձայնեցնի Պայմանագրով առանձին գործողությունների իրականացման ժամկետները և այլն,
- 3.2.2. Սույն Պայմանագրով նախատեսված կարգով և ժամկետում ընդունել սույն Պայմանագրին համապատասխան Կատարողի կողմից մատուցված Ծառայությունները, իսկ թերություններ հայտնաբերելու դեպքում՝ այդ մասին հայտնել Կատարողին,
- 3.2.3. Վճարել Կատարողին մատուցված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

3.3. Կատարողն իրավունք ունի՝

- 3.3.1. Ողջամտության սահմաններում Պատվիրատուից պահանջել ապահովել իրեն սույն Պայմանագրի կատարման համար անհրաժեշտ բոլոր պայմաններով,

- 3.3.2. Պատվիրատուից պահանջել սույն Պայմանագրով սահմանված կարգով և ժամկետում ընդունել պատշաճ մատուցված Ծառայությունները,
- 3.3.3. Պատվիրատուից պահանջել վճարել իր կողմից սույն Պայմանագրի պայմաններին համապատասխան ընդունված Ծառայությունների դիմաց՝ սույն Պայմանագրով սահմանված կարգով, չափով և ժամկետում:

3.4. Կատարողը պարտավոր է՝

- 3.4.1. Ինչպես սոցիալական մեդիա հարթակներում իր պաշտոնական էջերի միջոցով, այնպես էլ որևէ այլ հարթակներում առանց Պատվիրատուի նախնական գրավոր համաձայնության չտարածել որևէ տեղեկատվություն սույն Պայմանագրով մատուցվող Ծառայությունների վերաբերյալ, ներառյալ՝ Միջոցառման գաղափարի, դրա անցկացման ժամկետի, առկայության դեպքում նաև ներգրավված հաղորդավարների կամ Միջոցառմանը վերաբերող որևէ այլ հանգամանքի վերաբերյալ, ինչպես նաև երաշխավորել Ծառայությունների մատուցման գործընթացում աշխատանքային, ծառայությունների մատուցման կամ որևէ այլ պայմանագրի հիման վրա ներգրավված անձանց կողմից այդպիսի տեղեկատվության գաղտնիության պահպանումը: Սույն կետից բացառություն են կազմում Կատարողի կողմից Միջոցառման նախապատրաստական աշխատանքների և բուն Միջոցառման ընթացքի վերաբերյալ Կատարողի՝ սոցիալական մեդիա հարթակներում առկա պաշտոնական էջերում արված հրապարակումները, ինչպես նաև Միջոցառման վերաբերյալ կարճ տեսահոլովակը, որը ենթակա է նախապես համաձայնեցման Պատվիրատուի հետ: Կատարողի կողմից նշված հրապարակումները, ցանկացած պարագայում, կարող են տեղ գտնել միայն Պատվիրատուի կողմից Միջոցառումը նկարագրող ֆիլմի տարածումից հետո:
- 3.4.2. Ծառայությունները մատուցել անձամբ, սեփական ուժերով և միջոցներով: Ծառայությունների մատուցմանը Կատարողի կողմից երրորդ անձանց ներգրավելը հնարավոր է միայն Պատվիրատուի նախնական գրավոր **համաձայնությամբ**:
- 3.4.3. Ծառայությունները մատուցել պատշաճ որակով, << օրենսդրության պահանջներին, ինչպես նաև Ծառայությունների մատուցումը կարգավորող կիրառելի նորմերին, կանոններին և ստանդարտներին համապատասխան,
- 3.4.4. Ծառայությունները մատուցել ամբողջությամբ, իսկ արդյունքները Պատվիրատուին հանձնել՝ սույն Պայմանագրով սահմանված ժամկետներում և կարգով,
- 3.4.5. Միջոցառման սցենարը, ինչպես նաև հաղորդավարի թեկնածուին (առկայության դեպքում) համաձայնեցնել Պատվիրատուի հետ,
- 3.4.6. Հետևել սույն Պայմանագրի պայմանների սահմաններում Պատվիրատուի տված ողջամիտ ցուցումներին,
- 3.4.7. Աջակցել Պատվիրատուին Ծառայությունների մատուցման ընթացքը և որակը ստուգելիս, սույն Պայմանագրի 3.1.3 կետով սահմանված կարգով Պատվիրատուի համապատասխան պահանջը ստանալուց 1 (մեկ) աշխատանքային օրվա ընթացքում Պատվիրատուին տրամադրել Ծառայությունների մատուցման ընթացքի և որակի վերաբերյալ Պատվիրատուին հետաքրքրող տեղեկատվությունը,
- 3.4.8. Աջակցել Պատվիրատուին Ծառայություններն ընդունելիս,
- 3.4.9. Պատվիրատուի կողմից սահմանված ողջամիտ ժամկետում անհատուց վերացնել Ծառայությունների մատուցման արդյունքներում հայտնաբերված թերությունները,
- 3.4.10. Ամբողջությամբ հատուցել Միջոցառման կազմակերպման ընթացքում իր կողմից երրորդ անձանց հեղինակային իրավունքի և հարակից իրավունքների կամ << օրենսդրության այլ պահանջների խախտման հետևանքով Պատվիրատուի կրած բոլոր վնասները,
- 3.4.11. Սույն Պայմանագրի կատարման ընթացքում լուծարման կամ սնանկացման գործընթաց սկսվելու դեպքում անմիջապես հայտնել Պատվիրատուին:

4. ՊԱՅՄԱՆԱԳՐԻ ԱՐԺԵՔԸ ԵՎ ՎՃԱՐՄԱՆ ԿԱՐԳԸ

- 4.1. Սույն Պայմանագրով նախատեսված Միջոցառման կազմակերպման ընդհանուր արժեքը՝ ներառյալ բոլոր կիրառելի հարկերը, սահմանվում է սույն Պայմանագրի Հավելված 1-ով՝ հիմք ընդունելով սույն Պայմանագրի Հավելված 2-ով նախատեսված նախահաշիվը:
- 4.2. Կողմերն արձանագրում են, որ Ծառայությունների մատուցման ընթացքում, արտադրական անհրաժեշտությունից ելնելով, սույն Պայմանագրի Հավելված 2-ով նախատեսված նախահաշվի ծախսային

ուղղությունները կարող են Կողմերի գրավոր համաձայնությամբ ենթարկվել փոփոխությունների, սակայն ոչ ավելի, քան Պայմանագրի Հավելված 2-ով հաստատված նախահաշվի յուրաքանչյուր տողի 10 (տասը) տոկոսի չափով: Բոլոր դեպքերում, այդպիսի փոփոխությունների չափերը է հանգեցնեն սույն Պայմանագրի Հավելված 1-ով Միջոցառման կազմակերպման համար սահմանված ընդհանուր արժեքի ավելացմանը:

- 4.3. Սույն Պայմանագրի 4.1 կետով սահմանված գումարը Պատվիրատուն վճարում է Կատարողի բանկային հաշվեհամարին անկանխիկ փոխանցմամբ՝ համաձայն սույն Պայմանագրի Հավելված 1-ով սահմանված ժամանակացույցի:
- 4.4. Կողմերն արձանագրում են, որ բոլոր այն դեպքերում, երբ սույն Պայմանագրի Հավելված 1-ում նշված ժամանակացույցով նախատեսված է կանխավճարի վճարման Պատվիրատուի պարտականությունը, ապա Պատվիրատուն նշված կանխավճարը կարող է մարել սույն Պայմանագրի Հավելված 1-ում նշված կարգով, ինչը գործնականում նշանակում է, որ Կատարողի կողմից Պայմանագրով սահմանված կարգով դուրս գրված հաշիվ-վավերագրով/հարկային հաշիվով սահմանված գումարի կամ դրա մի մասի չվճարվումը չի համարվի խախտում ո՛չ Պայմանագրի, ո՛չ էլ կիրառելի օրենսդրության տեսանկյունից:
- 4.5. Վճարման ամսաթիվ է համարվում Պատվիրատուի բանկային հաշվից դրամական միջոցների ելքագրման ամսաթիվը:
- 4.6. Բանկային ծախսերը Պատվիրատուի բանկում կատարում է Պատվիրատուն, իսկ Կատարողի բանկում՝ Կատարողը:

5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

- 5.1. Կողմերը պատասխանատվություն են կրում սույն Պայմանագրով նախատեսված պարտականությունների չկատարման կամ ոչ պատշաճ կատարման համար:
- 5.2. Պատվիրատուի պահանջով Կատարողն իր հաշվին, իր միջոցներով և Պատվիրատուի կողմից սահմանված ողջամիտ ժամկետում պարտավոր է վերացնել մատուցված Ծառայություններում իր մեղքով տեղ գտած թերությունները: Նշված թերությունները Պատվիրատուի սահմանած ողջամիտ ժամկետում Կատարողի կողմից չվերացվելու դեպքում Պատվիրատուն իրավասու է Կատարողից գանձել տուգանք՝ Ծառայությունների ընդհանուր արժեքի 5 (հինգ) տոկոսի չափով, պահանջել իր կրած վնասների հատուցում և ըստ հայեցողության սույն Պայմանագրի 3.1.6 կետով սահմանված կարգով լուծել Պայմանագիրը:
- 5.3. Կատարողի կողմից սույն Պայմանագրով նախատեսված Միջոցառման կազմակերպման ժամկետների խախտման դեպքում Պատվիրատուն իրավունք ունի Կատարողից գանձելու տույժ՝ կետանցի յուրաքանչյուր օրվա համար Ծառայությունների ընդհանուր արժեքի 0,1 (զրո ամբողջ մեկ տասնորդական) տոկոսի չափով և ըստ հայեցողության սույն Պայմանագրի 3.1.6 կետով սահմանված կարգով լուծելու Պայմանագիրը:
- 5.4. Սույն Պայմանագրի 5.2. կետով նախատեսված տուգանքը, ինչպես նաև 5.3. կետով նախատեսված տույժը, կարող է հաշվարկվել և հաշվանցվել Կատարողին վճարման ենթակա գումարներից:
- 5.5. Մատուցված Ծառայությունների դիմաց վճարելու սույն Պայմանագրով սահմանված ժամկետը խախտելու դեպքում Կատարողն իրավունք ունի Պատվիրատուից գանձելու տույժ՝ կետանցի յուրաքանչյուր օրվա համար վճարման ենթակա գումարի 0,1 (զրո ամբողջ մեկ տասնորդական) տոկոսի չափով, բայց ոչ ավելի քան վճարման ենթակա գումարի 5 (հինգ) տոկոսը:
- 5.6. Կողմերը արձանագրում են, որ սույն Պայմանագրի 2.10 կետի հիմքով Պատվիրատուի կողմից Կատարողին վճարման ենթակա գումարը չվճարելը կամ պատշաճ և վավեր փաստաթղթեր ներկայացնելուց հետո վճարելը չի համարվի սույն Պայմանագրի 5.5 կետի իմաստով վճարման ժամկետի խախտում, և տվյալ դեպքում սույն Պայմանագրի 5.5 կետով սահմանված տույժը չի հաշվարկվի և գանձվի:
- 5.7. Կատարողը պարտավոր է Պատվիրատուին զերծ պահել երրորդ անձանց կողմից Պատվիրատուին ներկայացված ցանկացած այնպիսի պահանջից, վեճից, հայցից, որոնք Կատարողի կողմից սույն Պայմանագրով նախատեսված պարտականությունների կամ երաշխիքների խախտման արդյունք են, ինչպես նաև հատուցել նման պահանջի, վեճի կամ հայցի արդյունքում Պատվիրատուին պատճառված բոլոր վնասները:
- 5.8. Տուժանքների վճարումը չի ազատում Կողմերին սույն Պայմանագրով ստանձնած պարտականությունների ամբողջական կատարումից, եթե այլ բան նախատեսված չէ ՀՀ օրենսդրությամբ:
- 5.9. Սույն Պայմանագրով չնախատեսված դեպքերում Կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվություն են կրում ՀՀ օրենսդրությամբ սահմանված կարգով:

6. ՖՈՐՍ-ՄԱԺՈՐ

- 6.1. Սույն Պայմանագրով պարտավորություններն ամբողջությամբ կամ մասնակիորեն չկատարելու համար Կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն Պայմանագիրը ստորագրելուց հետո, և որը Կողմերը չէին կարող կանխատեսել կամ կանխարգելել: Այդպիսի իրավիճակներ են ջրհեղեղը, հրդեհը, երկրաշարժը, փոթորիկը, սողանքը և բնական այլ աղետները, պայթյունը, պատերազմը, ռազմական և արտակարգ դրություն հայտարարելը, քաղաքացիական հուզումները, գործադուլները, հաղորդակցության միջոցների աշխատանքի դադարեցումը, համաճարակները, էմբարգոն, սույն Պայմանագրի էական պայմանները կարգավորող օրենսդրության փոփոխությունները, պետական մարմինների ակտերը և այլն, որոնք անհնարին են դարձնում սույն Պայմանագրով սահմանված պայմաններով պարտավորությունների կատարումը:
- 6.2. Կողմը, որի մոտ ծագել է ֆորսմաժորային իրավիճակ, պետք է առաջին իսկ հնարավորության դեպքում, սակայն ոչ ուշ, քան նման իրավիճակի վրա հասնելուց 10 (տասը) աշխատանքային օրվա ընթացքում ծանուցի մյուս Կողմին նման իրավիճակի առաջացման, իսկ հետագայում նաև՝ բնականոն պայմանների վերականգնման մասին, հակառակ դեպքում կզրկվի ապագայում ֆորսմաժորային իրավիճակը որպես հիմնավորում օգտագործելու իրավունքից:
- 6.3. Ֆորսմաժորային իրավիճակի վերաբերյալ հանդիպակաց Կողմին ծանուցում ուղարկելու պահից Կողմի համապատասխան պայմանագրային պարտավորությունների կատարման պահանջը համարվում է կասեցված մինչև Պայմանագրի կատարման համար անհրաժեշտ պայմանների վերականգնումը:
- 6.4. Եթե արտակարգ ուժի ազդեցությունը շարունակվում է 2 (երկու) ամսից ավելի, ապա Կողմերից յուրաքանչյուրն իրավունք ունի լուծելու Պայմանագիրը՝ այդ մասին նախապես տեղյակ պահելով մյուս Կողմին:

7. ԳԱՂՏՆԻՈՒԹՅՈՒՆ

- 7.1. Սույն Պայմանագրի վերաբերյալ բանակցություններին կամ Պայմանագրի պայմաններին, այդ թվում՝ արժեքին, Պայմանագրից բխող գործողություններին առնչվող ողջ տեղեկատվությունը (այդ թվում՝ փաստաթղթերը), բացառությամբ զանգվածային տեղեկատվության միջոցներում առկա տեղեկատվության (եթե այդպիսին առկա է) և ՀՀ օրենսդրությամբ սահմանված Պայմանագրի պայմանների կամ դրանց մի մասի պարտադիր հրապարակման դեպքերի, գաղտնի է և չի կարող տրամադրվել որևէ երրորդ կողմի, բացառությամբ մյուս Կողմի նախապես տրամադրած գրավոր համաձայնության կամ ՀՀ օրենսդրությամբ նախատեսված դեպքերի:
- 7.2. Կողմերը պարտավոր են սույն Պայմանագրի գործողության, ինչպես նաև դրան հաջորդող 3 (երեք) տարիների ընթացքում, ապահովել համապատասխան տեղեկատվության գաղտնիությունը և պատշաճ պաշտպանությունը՝ գործադրելով առնվազն այնպիսի ջանքեր, ինչպիսիք կգործադրեին իրենց իսկ նման տեղեկատվության պաշտպանության համար:

8. ԵԶՐԱՓՈՒԿ ԴՐՈՒՅԹՆԵՐ

- 8.1. Սույն Պայմանագիրն ուժի մեջ է մտնում երկկողմանի ստորագրման պահից և գործում՝ մինչև Կողմերի համար դրանով նախատեսված պարտավորությունների ամբողջական և պատշաճ կատարումը:
- 8.2. Առկայության դեպքում, սույն Պայմանագրի Հավելված 2-ով նախատեսված հիմնական միջոցները, որոնք ձեռք են բերվում Կատարողի կողմից սույն Պայմանագրով նախատեսված Ծառայությունների մատուցման համար, անցնում են Պատվիրատուի սեփականությանը՝ սույն Պայմանագրով նախատեսված Ծառայությունների մատուցման ավարտին Կողմերի միջև ստորագրվող հանձնման-ընդունման ակտի հիման վրա:
- 8.3. Սույն Պայմանագիրը ստորագրող Կողմերի ներկայացուցիչները սույնով հաստատում են, որ ունեն բոլոր անհրաժեշտ լիազորությունները ստորագրելու սույն Պայմանագիրը և ներկայացնելու Կողմերին Պայմանագրով նախատեսված հարաբերություններում:
- 8.4. Կողմերից որևէ մեկն իրավունք չունի սույն Պայմանագրով սահմանված իր իրավունքներն ու պարտականությունները փոխանցելու երրորդ անձի՝ առանց մյուս Կողմի գրավոր համաձայնության:
- 8.5. Սույն Պայմանագրի բոլոր հավելվածները հանդիսանում են Պայմանագրի անբաժանելի մասը:
- 8.6. Սույն Պայմանագրի յուրաքանչյուր կետ կամ պայման իրենից ներկայացնում է առանձին և ինքնուրույն դրույթ: Եթե Պայմանագրի որևէ դրույթ դատական կարգով կամ այլ իրավասու մարմնի որոշմամբ ճանաչվի

անվավեր կամ կատարման ոչ ենթակա, ապա սույն Պայմանագրի մնացած բոլոր դրույթները կպահպանեն իրենց ուժը, բացառությամբ ՀՀ օրենսդրությամբ նախատեսված դեպքերի:

- 8.7. Սույն Պայմանագրում ցանկացած փոփոխություն և լրացում վավեր է, եթե այն կատարված է գրավոր և ստորագրված է Կողմերի ներկայացուցիչների կողմից, կնքիք առկայության դեպքում նաև կնքված է:
- 8.8. Սույն Պայմանագիրը կարող է վաղաժամկետ լուծվել Պայմանագրով, ՀՀ օրենսդրությամբ նախատեսված հիմքերով և կարգով, ինչպես նաև Կողմերի փոխադարձ համաձայնությամբ: Պատվիրատուն իրավունք ունի ցանկացած պահի միակողմանիորեն լուծելու սույն Պայմանագիրը՝ այդ մասին առնվազն 15 (տասնհինգ) օրացուցային օր առաջ ծանուցելով Կատարողին: Պատվիրատուի նախաձեռնությամբ Պայմանագրի վաղաժամկետ լուծման հետևանքները կարգավորվում են սույն Պայմանագրով և/կամ ՀՀ օրենսդրությամբ՝ կախված այդպիսի լուծման շարժառիթ հանդիսացած հանգամանքներից: Կատարողի նախաձեռնությամբ ՀՀ օրենսդրությամբ սահմանված հիմքերի առկայությամբ պայմանավորված Պայմանագրի վաղաժամկետ լուծման դեպքում, Կատարողը պարտավոր է ամբողջությամբ հատուցելու Պայմանագրի վաղաժամկետ լուծման հետևանքով Պատվիրատուին պատճառված վնասները:
- 8.9. Պայմանագրի շրջանակներում Կողմերի միջև փաստաթղթերի, ծանուցումների առաքումը, տեղեկությունների փոխանակությունն իրականացվում է գրավոր կերպով՝ սույն Պայմանագրի վավերապայմաններում նշված ծանուցման հասցեներով փոստային առաքմամբ կամ առձեռն հանձնելու միջոցով կամ Կողմերի համաձայնությամբ նախատեսված այլ եղանակներով:
- 8.10. Կողմերից յուրաքանչյուրի անվանման, հասցեի, վճարման կամ այլ վավերապայմանների փոփոխության դեպքում, համապատասխան Կողմը պարտավոր է այդ մասին պատշաճ կերպով գրավոր ծանուցել մյուս Կողմին՝ այդպիսի փոփոխությունից 5 (հինգ) աշխատանքային օրվա ընթացքում, հակառակ դեպքում՝ նախկինում տրամադրված վավերապայմաններով արված վճարումները, ուղարկված ծանուցումները համապատասխանաբար կհամարվեն ժամանակին կատարված կամ պատշաճ հասցեով ուղարկված:
- 8.11. Սույն Պայմանագրի կապակցությամբ ծագած վեճերը լուծվում են բանակցությունների միջոցով: Բանակցությունների արդյունքում համաձայնություն ձեռք չբերվելու դեպքում վեճերը լուծվում են դատական կարգով:
- 8.12. Սույն Պայմանագրի առարկային վերաբերող և սույն Պայմանագրով ուղղակիորեն չկարգավորված բոլոր հարաբերությունները կարգավորվում են ՀՀ օրենսդրությամբ:
- 8.13. Սույն Պայմանագիրը կազմված է հայերեն լեզվով, երկու հավասարազոր օրինակներից: Յուրաքանչյուր Կողմին տրվում է Պայմանագրի մեկական օրինակ

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
ՀՎՀՀ՝ 01540062
«Ինտելոբանկ» ՓԲԸ
Հ/Հ՝ 2050022082671001

Կատարող

«Մեյլուու Թրավել» ՍՊԸ

Հասցե՝ ՀՀ, ք. Երևան, Նազարբեկյան 8
ՀՎՀՀ՝ 01287327
«Ակրա Բանկ» ՓԲԸ
Հ/Հ՝ 220563331861000

Հ. Մովսիսյան

Գործադիր տնօրեն

Լ. Մելքոնյան


Տնօրեն



ՄԻՋՈՑԱՌՄԱՆ ԲՆՈՒԹԱԳԻՐԸ, ԾԱՌԱՅՈՒԹՅՈՒՆՆԵՐԻ ՄԱՏՈՒՑՄԱՆ ԺԱՄԿԵՏԸ, ԱՐԺԵՔԸ ԵՎ ՎՃԱՐՄԱՆ ԿԱՐԳԸ	
1	<p>Միջոցառման անվանումը</p> <p>«Մանկական Եվրատեսիլ 2022» երգի միջազգային մրցույթի շրջանակներում մասնակից պատվիրակությունների համար նախատեսված Երևանի մետրոպոլիտենի թվով 5 կայարաններում կազմակերպվող ժամանցային ծրագիր</p>
2	<p>Միջոցառման բնութագիրը</p> <p>Կախարդական գնացք միջոցառումը ճանաչողական շրջայց է վերափոխված մետրոպոլի կայարաններով, որի ընթացքում հյուրերը կբացահայտեն Հայաստանի կախարդական կողմը, խաղերի, հյուրասիրության, մշակույթի ու ավանդույթների միջոցով:</p> <p>Կախարդական գնացքի գլխավոր հերոսները գնացքավարն է և հենց իրենք՝ հյուրերը:</p> <p>Միջոցառումը պլանավորված է քվեստ ֆորմատով, որի ժամանակ կայարաններից յուրաքանչյուրից պետք է վերցնել ժապավեններով լի պարկեր:</p> <p>Ըստ նախագծի պլանի հյուրերը միջոցառման մանրամասներից անտեղյակ գալիս են մասնակցելու քաղաքային սովորական շրջայցի, որը պետք է անեն մետրոպոլ:</p> <p>Հանրապետության հրապարակի կայարանում, որտեղից սկսվում է շրջայցը արդեն ունենք բնականոն կյանքի բեմադրություն: Գնացքը նստելուց որոշ ժամանակ անց այն «հատում է լույսի արագությունը» և հայտնվում է «զուգահեռ իրականությունում», որտեղ կանգառներից յուրաքանչյուրում նրանց սպասվում է նոր անակնկալ:</p> <p>Գնացքավարը, ով կապի է դուրս գալիս երեխաների հետ, հայտնում է որ նրան պատմել էին «Մետրոպոլի լեգենդի» մասին, բայց նա չէր հավատացել, և հիմա քանի որ այն իրական է, միասին պետք է բացահայտեն լեգենդի գաղտնիքները և հետևեն տեղի կանոններին իրականություն վերադառնալու համար:</p> <p>Առաջին կայարանը հայկական բակի կայարանն է, որին տրվել է ժամանակակից շունչ՝ ֆլեշմոբային պարեր, խաղեր, և քվեստ խաղ հայկական հողով, որի ընթացքում հյուրերը ծանոթանում են հողի պատմությանն ու սովորում այն պատել:</p> <p>Երկրորդ կայարանը քաղցրավենիքի կայարանն է, որտեղ ունենք պարային բեմադրություններ և առատ հյուրասիրություն:</p> <p>Երրորդ կայարանը «Գիշերը թանգարանում» կայարանն է, որտեղ հյուրերը ծանոթանում են հայկական արվեստին Գառզույի, Հակոբ Հակոբյանի և Մինասի կտավների միջոցով:</p> <p>Չորրորդ կայարանը «Ավանդական» կայարանն է, որտեղ հյուրերը ծանոթանում են կենաց ծառի խորհրդի հետ, զարդարում այն և սկսում հայկական խնջույք: Այս ընթացքում նրանք կտեսնեն հայկական ազգային պարեր և կփորձեն սովորել, կհյուրասիրվեն դափամայով, կնկարվեն ազգային հագուստով և կվայելեն Թմբաթա բենդի կատարումները:</p> <p>2.5 ժամ Ընդհանուր տևողությամբ այս միջոցառումը հրաշալի հնարավորություն է հյուրերին մոտեցնելու հայկական մշակույթին և ավելի ճանաչելի դարձնելու Հայաստանը:</p>


3

Միջոցառման
նախնական
էջիզը






Dj stage













4	<p>Պայմանագրի ընդհանուր արժեքը</p> <p>78,415,263 (յոթանասուներեք միլիոն չորս հարյուր տասնհինգ հազար երկու հարյուր վաթսուներեք) ՀՀ դրամ, ներառյալ հարկերը:</p>
5	<p>Ծառայությունների մատուցման ժամկետը</p> <p>2022 թվականի նոյեմբերի 16-ից մինչև 2022 թվականի դեկտեմբերի 07-ը ներառյալ: Միջոցառման օրերը՝ 2022 թվականի դեկտեմբերի 06 և 07:</p>

6	Վճարման ժամանակացույցը	
	Վճարվող գումար (ՀՀ դրամ)	Վճարման ժամկետ (ներառյալ)
	20 000 000 ՀՀ դրամ	Մինչև 16.11.2022թ.
	20 000 000 ՀՀ դրամ	Մինչև 01.12.2022թ.
Հանձնման-ընդունման ակտով փաստացի մատուցված ծառայությունների ընդհանուր արժեք	Միջոցառման հանձնման-ընդունման ժամանակ համապատասխան հանձնման-ընդունման ակտերի և հաշիվ-վավերագրերի/հարկային հաշվի երկկողմանի ստորագրվելուց և սույն պայմանագրի 2.7. կետով սահմանված ժամկետում փաստաթղթերի գնահատումից հետո 5 (հինգ) աշխատանքային օրվա ընթացքում:	

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ԱՏՈՐԱԳՐՈՒԹՅՈՒՆՆԵՐԸ

Պատվիրատու

«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
 ՀՎՀՀ՝ 01540062
 «Ինտերբանկ» ՓԲԸ
 Հ/Հ՝ 2050022082671001

Կատարող

«Մեկուս Թրավել» ՍՊԸ

Հասցե՝ ՀՀ, ք. Երևան, Նազարբեկյան 8
 ՀՎՀՀ՝ 01287327
 «Ակրա Բանկ» ՓԲԸ
 Հ/Հ՝ 220563331861000


Հ. Մովսիսյան

Գործադիր տնօրեն

Լ. Մելքոնյան

Տնօրեն





ՆԱԽԱՀԱՇԻՎ

«Մանկական Եվրատեսիլ 2022» երգի միջազգային մրցույթի շրջանակներում մասնակից պատվիրակությունների համար նախատեսված Երևանի մետրոպոլիտենի թվով 5 կայարաններում կազմակերպվող ժամանցային ծրագրի ապահովման ծախսերի

N	Անվանում	Չափման միավորը	Քանակը	Միավորի նախահաշվային գումարը, ներառյալ հարկերը, ՀՀ դրամ	Ընդամենը նախահաշվային գումարը, ներառյալ հարկերը, ՀՀ դրամ
Անձնակազմի վարձատրության ծախսեր					
1	Բեմադրող ռեժիսոր	ծառայություն	5	1,264,400	6,322,000
2	Երկրորդ ռեժիսոր	ծառայություն	1	900,000	900,000
3	Գծային պրոդյուսեր	ծառայություն	1	2,000,000	2,000,000
4	Նախագծի տնօրեն	ծառայություն	1	1,000,000	1,000,000
5	Ռեկվիզիտոր-կոստյումեր	ծառայություն	1	160,000	160,000
6	Հաղորդավար	ծառայություն	1	1,000,000	1,000,000
7	Խմբագիր	ծառայություն	1	200,000	200,000
8	Ադմինիստրատոր	ծառայություն	3	200,000	600,000
9	Թարգմանություն	ծառայություն	1	80,000	80,000
10	Դեկորատոր	ծառայություն	2	250,000	500,000
11	Մաքրուիի	ծառայություն	2	60,000	120,000
12	Բեմադրող ռեժիսորի ասիստենտ	ծառայություն	3	100,000	300,000
13	Դեկորների մոնտաժման և ապամոնտաժման աշխատանքներ	ծառայություն	5	728,000	3,640,000
14	Խաղավարի ծառայություն	ծառայություն	2	125,000	250,000
15	Միմերի ծառայություն	ծառայություն	1	300,000	300,000
16	Դիմահարդար	ծառայություն	2	150,000	300,000
17	Հագուստի նկարիչ	ծառայություն	1	600,000	600,000
18	Լուսավորման աշխատատանքեր	ծառայություն	1	520,000	520,000
19	Դիզայներ	ծառայություն	2	450,000	900,000
20	Դիդջեյ	ծառայություն	1	100,000	100,000
21	Մասսայական տեսարանի դերասաններ	ծառայություն	80	33,750	2,700,000
22	Հոլի պտտման ծառայություն /հոլավար/	ծառայություն	1	400,000	400,000
23	Պարային բեմադրություն	ծառայություն	3	700,000	2,100,000
	ԸՆԴԱՄԵՆԸ				24,992,000

Իրավունքի ձեռքբերման ծախսեր

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	Երաժշտական ձևավորում	ծառայություն	2	200,000	400,000
	ԸՆԴԱՄԵՆԸ				400,000

Տեխնիկայի և այլ վարձակալություն

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	Տաքացուցիչների վարձակալություն	օր	2	40,000.0	80,000.0
2	Բիոզուգարան վարձակալություն	օր	2	250,000.0	500,000.0
3	Լուսային և ձայնային տեխնիկայի վարձակալություն	օր	2	3,500,000.0	7,000,000.0
4	LED էկրանների վարձակալություն	օր	2	900,000.0	1,800,000.0
5	Այլ հեռուստատեսային տեխնիկայի վարձակալություն	օր	2	714,000.0	1,428,000.0
6	Սեղանների և աթոռների վարձակալություն	օր	2	150,000.0	300,000.0
7	Ջրի ապարատների վարձակալություն	օր	5	60,000.0	300,000.0
8	Պրոյեկտորի վարձակալություն	օր	2	262,500.0	525,000.0
9	Սայլակների վարձակալություն	օր	2	606,750.0	1,213,500.0
10	Աղբամանների վարձակալություն	օր	10	7,000	70,000
	ԸՆԴԱՄԵՆԸ				13,216,500

Մոնիթորինգի անձնակազմ

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	LED էկրանին ցուցադրվող տեսանյութերի մոնիթինգ և գունաշտկում	ծառայություն	1	140,000.0	140,000
	ԸՆԴԱՄԵՆԸ				140,000

Տրանսպորտային ծախսեր

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	Տրանսպորտային ծախսեր	օր	2	200,000.0	400,000
	ԸՆԴԱՄԵՆԸ				400,000

Նախապատրաստական Աշխատանքներ

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	Մետաղական կոնստրուկցիաների պատրաստում	քմ	600	9,500.0	5,700,000.0
2	Հյուրասիրություն	անձ	200	13,500	2,700,000
3	Կայարանների ձևավորում և դեկորացիա	հատ	5	1,170,000	5,850,000
4	Կենաց ծառի պատրաստում	հատ	1	2,068,000	2,068,000
5	Բաներային ծածկեր	հատ	1	360,000	360,000
6	Ռեկվիզիտի ձեռքբերում	ծառայություն	1	1,270,000	1,270,000
7	Ուղեփակոցային ժապավեն	ծառայություն	1	500,000	500,000
8	Դրոշներ	ծառայություն	1	152,000	152,000
9	Անձնակազմի սնունդ՝ նախատեսված միջինում 200 անձի համար	օր	2	700,000	1,400,000
10	Հագուստ	ծառայություն	1	1,750,000	1,750,000
11	Լուսավորվող պատ ֆոսֆորից	հատ	1	250,000	250,000
12	Թանգարանային հողի ստեղծ	հատ	1	100,000	100,000
13	Կտավ փաղ 150 , տակի ստեղծ 30 սմ	հատ	1	350,000	350,000
14	Խոտածածկ	ծառայություն	1	1,400,000	1,400,000
15	Տպագրություն	քմ	1400	1,783	2,496,000
	ԸՆԴԱՄԵՆԸ				26,346,000

Այլ չնախատեսված ծախսեր

N	Անվանում	Չափման միավորը	Քանակը	Միավորի նախահաշվային գումարը, առանց հարկերի, ՀՀ դրամ	Ընդամենը նախահաշվային գումարը, առանց հարկերի, ՀՀ դրամ
1	Այլ չնախատեսված ծախսեր				2,500,000.0

	ԸՆԴԱՄԵՆԸ				2,500,000
--	-----------------	--	--	--	------------------

	Ընդամենը				67,994,500
	Շահույթ				6,500,000
	Ընդամենը				74,494,500
	ԱԱՀ (5%)				3,920,763
	Ընդամենը, ներառյալ ԱԱՀ				78,415,263

ԿՈՂՄԵՐԻ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

Պատվիրատու
«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
 ՀՎՀՀ՝ 01540062
 «Ինտելիգենտ» ՓԲԸ
 Հ/Հ՝ 2050022082671001


Հ. Մովսիսյան
 Գործադիր տնօրեն




Կատարող
«Մեկուս Թրավել» ՍՊԸ

Հասցե՝ ՀՀ, ք. Երևան, Նազարբեկյան 8
 ՀՎՀՀ՝ 01287327
 «Ակրա Բանկ» ՓԲԸ
 Հ/Հ՝ 220563331861000

Լ. Մելքոնյան
 Տնօրեն



ԿԱՏԱՐՈՂԻ ԿՈՂՄԻՑ ՊԱՏՎԻՐԱՏՈՒՄ ԵՐԿԱՅԱՑՄԱՆ ԵՆԹԱԿԱ ՀԱՇՎԵՏՎՈՒԹՅԱՆ ՁԵՎ

«.....» Ընկերության թիվ ՀՀՀ-ՄԱԾԶԲ-22/90-Պ պայմանագրի շրջանակներում
«Մանկական Եվրատեսիլ 2022» երգի միջազգային մրցույթի շրջանակներում մասնակից
պատվիրակությունների համար նախատեսված Երևանի մետրոպոլիտենի թվով 5 կայարաններում
կազմակերպվող ժամանցային ծրագրի կազմակերպման փաստացի ծախսերի վերաբերյալ
ՀԱՇՎԵՏՎՈՒԹՅՈՒՆ

N	Անվանումը	Հափման միավոր	Պայմանագրին կից նախահաշիվ			Փաստացի կատարողական			Հիմնավորող փաստաթղթի նկարագրություն
			Քանակը	Միավորի արժեքը, ներառյալ հարկերը, ՀՀ դրամ	Ընդամենը նախահաշվային գումարը, ներառյալ հարկերը, ՀՀ դրամ	Քանակը	Միավորի փաստացի արժեքը, ներառյալ հարկերը, ՀՀ դրամ	Ընդամենը փաստացի գումարը, ներառյալ հարկերը, ՀՀ դրամ	
Անձնակազմի վարձատրության ծախսեր									
1									
2									
.									
.									
	ԸՆԴԱՄԵՆԸ								
Վարձակալական ծախսեր									
1									
2									
.									
.									
	ԸՆԴԱՄԵՆԸ								
Նկարահանումների կազմակերպման այլ անհրաժեշտ ծախսեր									
1									
2									
.									
.									
	ԸՆԴԱՄԵՆԸ								
Այլ չնախատեսված ծախսեր									
1									
2									
.									
.									
	ԸՆԴԱՄԵՆԸ								

ԸՆԴԱՄԵՆԸ							
Շահույթ							
ԸՆԴԱՄԵՆԸ							
Շրջանառության հարկ							
ԸՆԴԱՄԵՆԸ							

Կատարող

« »
 Հասցե՝
 ՀՎՀՀ՝
 Բանկ
 Հ/Հ՝

Տնօրեն

Կ.Տ

»:

Պատվիրատու
«Հայաստանի հանրային հեռուստաընկերություն» ՓԲԸ

Հասցե՝ ՀՀ, ք. Երևան, Գ. Հովսեփյան 26
 ՀՎՀՀ՝ 01540062
 «Ինտերբանկ» ՓԲԸ
 Հ/Հ՝ 2050022082671001

Հ. Մովսիսյան
 Գործադիր տնօրեն

Կատարող
«Մեկուու Թրավել» ՍՊԸ

Հասցե՝ ՀՀ, ք. Երևան, Նազարբեկյան 8
 ՀՎՀՀ՝ 01287327
 «Ակրա Բանկ» ՓԲԸ
 Հ/Հ՝ 220563331861000

Լ. Մելքոնյան
 Տնօրեն

